蘊

愫

閣

文

集

之又云其為也易則其傳也不遠至哉言乎世之急于自 隱隱于小成也言之隱隱于榮華也故立言者必持其志 昌黎云傳來世莫若書懼吾力之未至請待五六十後爲 實則不輝光不輝光則敝敝馬詹詹馬詖淫邪遁皆是也 **蘊**愫閣文集自序 見者可以戒矣昌黎年五十七而没夫子言朝聞道夕死 莊生有言道惡乎隱而有真偽言惡乎穩而在是學道之 如昌黎之年其年易盡而其心難盡是則可哀也已 可矣立言如昌黎亦可無憾矣今人萬不能爲昌黎之立 **而或有學為昌黎之文之心而限于昌黎之年且并不能** VINDEX TO LEGISLATION TO THE PARTY OF THE PA

文者乎則非余之所敢期也鎭洋盛大十 傷疇昔之作區區者無以自信奚以信人特恐身名俱滅 後之人有能畧其文而哀其志者乎有能因其志以求其 重欲以空交垂後而文無當于立言言不足以載道不知 刀其敝敝焉詹詹焉者亦同歸于烏有更可哀也竊不自 一不能自奮于學年漸老智亖困又以人事多故衋馬心 不過時間主事長月

卷弟一 生死說 諧 系 辨 大雅抑詩解 禮記子夏喪明解 名實說 讀史 哪/ 值 索 習 文 集 目 餘

卷弟二 孝經徵文序 陶侃論 張浚論 蜀先主託孤論 武侯不諫伐吳論 讀魏志陳思王傳 宋元祐諸臣論 竹林七賢論 大學古訓發微点 選讀杜詩序

贈朱澗南序 趙非石琴譜序 婁東盛氏宗韜序 送人為學官序 秋夜集准安郡齋序 送王覺梅歸杭州序 送顏翰林典試四日 王碧城詩蘪序 聚海軒詩集序 /直索問文真目录

卷弟三 曹礪庵八上 遊鳥目山房記 遊小石洞記 遊劍門記 維摩寺觀海樓記 贈郝生序 談背軒記 窈窕山房題壁記 可掬軒記 山陽李氏捐准 壽序 安府學田記

11、11、11、11、11、11、11、11、11、11、11、11、11、	系少刃専 	張椒卿傳	胡蛟門傳	黄伯璣傳	保康縣典史蕭君廣銓别傳	王壯節公家傳	卷弟四	存心箴	博士箴	山陽裴烈婦入祠記	<b>与</b> 波府西水開外新建文昌閣記	
---	----------	------	------	------	-------------	--------	-----	-----	-----	----------	-----------------------	--

卷弟五 與張若雲書論校太平御寬 答黄琴六書論古泉幣制度 書贈知府試用知縣李君縣昌事 書章佳文成公軼事 樵煙野客傳 與蕭子山書 房烈婦傳 惲節母傳 汪青州家傳 徐封君傳 一十年本で日日 マノモフー・イン

與丁儉卿書論陳 與吳巢松學使書 與蕭梅江論文書 與丁儉卿書論毛鄭詩譜義例 與李海帆觀察論文書 答黄香石書 答禪康倭戸部書 答郭祥伯書 答李海帆觀察書 與汪已山員外書 /国民月と世代刊家 國志體例 1

卷弟六 麗正書院重建楊公祠碑 語授中憲大夫分巡浙江杭嘉湖兵備道署按察使 准安府重修韓侯祠碑 與姚春木書 賜祀昭忠祠四川松潘鎮左營遊擊山陽江君祠版 答黄香鐵書 文 事護理布政使事開州何公墓志鋒 湖南汞州府同知長洲李君墓志銘 京南山田コスター Ņ 削

卷弟七 賜祀昭忠祠世襲雲騎尉松江提標工 文學邱君墓志銘 唐楚州官屬題名石柱拓本跋 漢嘉平石經殘字跋 華亭王瘦山墓碣銘 國子監生華亭沱君玉渠墓表 例贈儒林郎直隷州州同國子監生王君墓志銘 例授修職佐耶候選訓導山陽李君墓志銘 金石存跋 營把總雷君墓表 が証が目と思うが E.

書望溪文集後三 **駮侯朝宗書昌黎潮州謝表後** 擬斬曲几文 書望溪文集後二 書方望溪文集後 讀書敏求記跋 張補庵詩册跋 悲庭樹文 祭孫少初文 金筑山莊文藁跋 任徴君文集跋 一部心トライナー金

5多女二上不是不 上	京冊王モラ星	亡兒徴璵行畧	<b>先</b>	<b>先母行狀</b>	先府君行狀	<b>先嗣母行狀</b>	先大父維腎公墓表	<b>卷弟</b> 入	汪生元祥哀辭	祭張生承濤文	25000月末

刻詩集十二卷續集二卷樂府 **技去歲夏先生抱喪明之痛欲取未刻詩文盡為焚棄** 右文八卷計一 卷為别集至續刻詩自癸未年止其甲申以後當侯自 亦以稍慰先生窮愁著書之苦心云文集外有駢體四 半載始得卒業付諸梓人倶海内之士爭先睹之爲快 准上諸同人固請先生訂定詩文全集因分任校警閱 问人力爭乃止適級蘭自白下至偕友人范君味遵質 哭亡兒徵與文 悔生居士自祭文 又小雲以英異之才冠絶流輩其年不永其人 一百一十篇吾師子履先生箸先生有已 一卷皆係長君小雲

と	塩素閣文集目鉄
	7月7月末夏州党等安治院司部
亭之有笛漁也道光	可 以 可 良 輯 所 作 附 于 集 後 亦 若 曝 書 亭 之 有 笛 通

植	     	i 								
<b>植愫閣文集目錄終</b>									<u>,</u>	
閣	1									
分	<u> </u>					,				
住	j 	!								
FI EI	† [					:	]			·
全名						•	} }			
业化				,					<u> </u> 	
不管		!								
				. ,						'
	!						:			
								l		
							<b> </b> -  -	<b>,</b>		
			•		]			<u> </u> 	,	
							<u> </u>			
			:					,		,
			ļ. !					ļ	·	
i !	:		1		; •					
:			ļ.						}	
	:						Į			
į			•							
						Ī	Ì			

學始古人處成人之位不忘子弟之職酒掃應對進退 故其次章日有覺德行四國順之又日敬慎威儀維民之 **審于威儀抑抑然是其德必嚴正也德行中積威儀外著** 學之末節也而終身可行故抑之四章曰夙興夜寐洒掃 則夫威儀之飭所以教訓正俗帥天下而民從之其儀 淑慎爾止不愆于儀其謹恪有如此者不然則為愚為戻 庭內其五章曰慎爾出話其六章曰無易由言其八章: 示以自警也其首章日抑抑威儀維德之隅箋云人密 雅圳詩解 抑詩而得古人小學之教馬按詩序抑衛武公刺屬 文集

敬慎威儀為本昔者曾子告孟敬子曰動容貎斯逺暴慢 我藐藐若是者謂之回適回過者自棄其德者也謂之迷 為僭為賊故日彼童而角實虹小子于是示之事不知也 烏武公年届耄老而威儀抑抑若此士 其耳不聞也故日於乎小子未知臧否曰誨爾諄諄聽 元而效之非所以正容體而善辭令也作 近見吾鄉傍 述亂者顛覆厥德者也吾讀抑詩而得古人小學之教 色斯近信矣出解氣斯該鄙倍矣此即抑詩之 中有通脫自惠設部諧謔者恐後進方 一欲師表人倫必以

禮記子夏喪明解 **憏克莊于死亡賢如卜氏何罪之有或曰孔子大聖而喪** 死生有命富貴在天卜氏豈不能曠達者情莫親于父子 者也則吾知其無罪也曾子曷爲乎責之夫惟大聖喪子 伯魚不聞喪明此賢人所以不及聖人也然子夏學孔子 罪賢人且不可况其不能爲賢人者人而不賢天或惡之 **而降之罰使之不能保其子而曰亍之無罪與然吾猶有** 丁夏亦人情會子責之為過甚司馬牛憂無兄弟子夏日 了<br />
更<br />
另<br />
子<br />
喪<br />
現<br />
所<br />
呼<br />
天<br />
自<br />
折<br />
會<br />
子<br />
忽<br />
之<br />
子<br />
夏<br />
投<br />
財<br />
過<br />
稿<br />
疑 為無罪無罪而至此者天也非人也賢人喪子亦天也 人也然哭之慟則可呼天訴無罪則不可喪子自訴無 

說馬人之不為賢人者未必其皆喪子也世固有人 然援聖賢以自慰是喪子猶不足以蔽其罪也讀檀弓記 郑其罪|而天終|不降之罰者豈人之有,舜無罪天亦不 為之悚伙 (罪更甚於人人所知之罪乎夫人人所知之罪其罪題 |知乎豈人人共知之罪不足以為罪而人所信為無罪 于耳目人所信為無罪之罪其罪獨存于隱徼而猶居 

而知也吾所知者人之生氣之聚也其死也氣之散也氣人之生也突自乎吾不得而知也其死也奚往乎吾不得 含冤負恨死于非命者亦能爲强有力之鬼此則其變 然則非聰明正直與夫强有力者即無所謂鬼神乎日 天此其常也人之死也不自知其死也不自知其死則亦 斷有舒有迫厚者强者盈者舒者壽溥者弱者虛者迫者 有聚有散故人有生有死氣有厚有薄有强有弱有盈有 乙有啸于堂者有瞰于室者有馮于物者有託于夢者恍 不能憶其生也惟聰明正直之士生而爲人没而爲神 To the state of the set of the

說吾之所與知者其可知者也其所不敢知者其不可知 者也事有以有知知者矣未有以無知知者也吾悲夫 有聞也洋洋乎如在其上如在其左右也今人惑于輪迴 道也夫子言未知生焉知死又云原始反終故知死生之 精誠所感魂魄可召魂魄之來必藉生人之形體以言其 所欲言而其子孫聞祖父之言且有所慰于其中而哀戚 之說謂作善則託生樂土其子孫必曰我祖父死而得所 之心又釋矣嗚呼死者不可復生之死而致生之大亂之 幽冥來者也惟鬼神由人心生故愛乎若有見也愾乎若 祖父生有遗行而哀戚之心又釋矣惑于師巫之說者謂 而哀戚之心釋矣謂作不善則受苦地獄其子孫必日我 

"					人之以無知知也因作生死說以曉之
---	--	--	--	--	-----------------

之世者也今之郷原媚于今之世而不能媚于古之世者 是必不失色于人不失口于人不失足于人而後可以媚 有升降鄉原亦隨古今之世道為升降古之鄉原媚于古 以爲是而不可與入堯舜之道故曰德之賊也吾謂世道 孔子惡鄉原而取狂狷何也士之質其異于衆者行古人 也古人尚忠信廉潔潛原竊其近似非之無舉刺之無刺 取爲謂其裁之可進于道也鄕原同流合汙泉皆悅之自 無徒也是非無所與同也聲氣無所應求也而聖人猶有 **ナ世也今人不尚忠信廉潔見有忠信廉潔者必訕笑之** 道不肯混混馬與世相獨于是獨言而無聽也獨行 A STATE OF THE PARTY OF THE PAR

和光同塵通達權變眾好亦好之眾惡亦惡之彼所非者詬病之抵排而屏棄之故為鄕原者必且薄忠信廢廉潔 能具應變之才者其詼諧滑精謔浪笑傲人皆日是能脫 泉是之彼且是其所非彼所是者衆非之彼且非其所是 井駔僧皆可與之爾汝也上至縉紳先生下至厮養隸輿 書生之氣者此則今之所謂郷原也古者民有三疾今亦 皆可與之飲食游戲也其語練世故往來馳逐人皆日是 是非之心失廉恥之道消匪人敗類皆可與之伯仲也市 而其見絕于聖賢者何也聖賢之忠信康潔無所爲而 一者也郛原之忠信廉潔有所爲而爲之者也古之鄕原 鄉原亦然然則古之鄉原亦今世所謂有道之士也 10个海侯閣文集卷第一 理而大亂真則辨之不可不辨也作鄕原說 不同爲且一人之身而前與後又不同馬逢世之術彌近 **風俗各有所為原人焉吾觀于吾郷而與他鄉之原人** 門自居工 鄉之稱為原人者亦不同吾遊于他鄉所至察其人 丁鄉原者也抑吾又有說爲古今之風俗不同 潔而自附于聖賢者也今之鄕原去忠信

崑崙之高不知其幾千仭其上有金臺玉樓七寶宮殿實 其言言與人音等無絶殊者皆詐也萬物職職曰形曰 青藤翠蔓紅刺相拂綴則有翹春明珠元秋沈靈衣裳雅 往或駕赤鯉或乗白鹿或軒軒迎風舞翔平元闕或從雲 形仙之氣不附形不附形故怳兮惚兮非陰非陽儵來儵 形與氣長日人氣因形消日鬼形化氣存日仙人之氣附 觀使使持節設具而侯神人為通天莖臺置洞具其下然 冶釣璈琅琅然聲徹下界營在茂陵作畫康别觀這延壽 少翁以偽書誅詭食馬肝游水發根言神君形不可見聞 一帝之縣圃羣真之所棲息也玕琪之花四縣修夜與 / 15世紀に同り ことが ジャップ・ ĺ

其是非乖違曲徇俗尚設滛辭而助之攻者何哉其所爲 鬼可得而禮小大稽首無任主臣如聞慮嘆如接啟態然 漿八瓊之室九琳之堂掃俗世之粃糠渺乎其不可望也 非仙也人之託于仙以惑人者也不然則滛昏之鬼馬乎 近在閱閩自謂窟室同於鑿坏狡駔碩儈憧憧朋從謂 乃有委老下士求馬唐肆窖者密者畱如詛盟棲真之宇 故夕汎乎弱水朝臨乎扶桑建羽蓋曳明璫餐瑶芝飫霞 將過扶搖之枝與鴻蒙拊脾雀躍倘然止而對然立夫然 仙皆其所自為也仙書無文仙語無詞其有語言文字者 八而為厲者也天下非無神仙故長房可以遇壺公鮑靚 己君特凥輪神馬遊平方外擺脫世網吐棄埃達

心無耳公然以神道設教僕僕丞拜退而與賈人爭關目 所沾匄者余故局局然笑彼頑鄙庸下之輩有首有趾無 即五雲閣史之書絳都太史之册亦洞府之 不自知其憊也

浮游乎萬物之祖俗念息故能胥疏于塵埃之表夫然後 其中又有三等其上者體性抱神人貌而天天資高故能 明徹此恰者少而吾教中依附彼教者多依附彼教之儒 庶幾近道聖人得之可與遊緇帷之林不遽屏諸門牆外 悟圓覺之用窺衆妙之門解契參同掃諸妄想引而進之 **道非教不明人非教不淑教一** 以降談元躭禪詞流結習震耳眩目誕曼俶詭真誥梵筴 也其次者外重內拙窮大失居文滅質博溺心蓋自魏晉 ~言戒也定也慧也道之言精也氣也神也吾觀彼教中 、彼又倡為同源異委之說儒之言理也性也命也卽釋 《温情閣文集卷弟一 而已今乃區而三之援此

尙無大害耳其下者賦性庸弱受識閣汶習誦聖經賢傳 鼓歌以舞之吹响呼吸熊經鳥升指小乘為大乘混俗諦 能爲併優者之辭迺亦剽竊黄冠符簽衲子偈語投俗所 為也迺翕翕然目之曰儒者儒者不亦恧乎然吾觀近世 作真諦郗之諂也何之佞也至愚極陋委巷兒女子之所 俗儒則三等之下復有下者其人服儒衣冠應科目尚 至輒謂門庭堂奧栗階可升迺齋戒以言之跪坐以進之 (執王華瑶筍之無餘金繩實筏之墜緒矜喜賅洽於道 一無相侵侵其何之遁而之于二氏譬猶逐螢火于暗 **匝離奇怳曶卽其肵得並為陳迹殺核與簡馳騁** 

之不勝吾說不可易也其闢之之說奈何曰吾且仍問之 以理也性也命也戒也定也慧也精也氣也神也而彼處 拔風氣日下故發憤箸辭以闢之闢之勝吾道之幸也闢 信師巫鬼神事其服儒衣冠者則否今以儒之鄙且險者 從風而靡是謂不祥之民不祥之民教之所不容也吳俗 復講誦湼槃義如我所說果契佛性鄉間椎魯市井有販 **皮奉神君仙人剪桥為筆畫沙成字妄立條教若奉律全 腮然驚也頊項然不自得也恐恐然不知所對也則其說** 假託其間吾恐邪說誣民大道絕塞卿邦士太夫不自振 不攻而自破矣 吾鄕諸同人有兼通二氏之學者如楊丈叔温汪君厚 The second of th

豈可與幽冥酬答耶故師巫外道及扶乩降仙全是魔 喜與監拂釋子參機鋒尤不喜與溷俗沙門作檀越我 也丙戌二月八日大士自記 境要去之惟恐不速嗟乎此湘涵之學識所以過人 質旁臨上只在寸心嘯雨呼風便成妖妄青天白日中 信仙道而獨不喜與挾術黄冠論符錄尤不喜與遊方 妄為惑世之論也善乎湘涵之言曰我信佛道而獨不 **大彭君湘涵各暢義恉具有心得非如近日猥鄙之徒** 羽士說丹鑪尚書云絶地天通論語云敬鬼神而遠之 |一种惊惶文集卷第二

為量然而及身之名果有有餘于名者則擴而充之十世 名者也無近名者有所餘于名者也無該名者無所充于 聖人無成名賢人無近名庸人無遠名無成名者不以名 及身馬尤吾之不幸也所貴乎名者將以傳其實也吾之 名者也近名以其身之存亡為量遠名以十世百世之後 名實說 名無以副吾實不若無名之愈矣今夫富貴壽考造物者 物之視富貴壽考皆若不甚愛惜而獨于賢人君子之名 不輕與人人受之而不察造物所以與之之意于是乎造 止于及身馬此吾之不幸也不既乎其實而名或不止五 可也百世可也君子惟旣乎其實而已旣乎其實而名或 / 鼠科別と私学で

擇其金之精故士有務名之心者非賢士無立名之心者 我不虛生不遽死以有此名者非吾乎吾聞斵輪者欲其 其不可必得之名則不得不積其力堅其志凡吾力之所 也而或私取焉則人必嫉之矣爭天之忌犯人之嫉以冀 則靳之以爲名者重器也而或輕致爲則天必忌之矣彼 行之遠也必先擇其木之良鑄鐘者欲其聲之洪也必先 可致者必致馬凡吾志之所能至者必至馬夫孰使我生 亭富貴壽考者亦甚慕乎賢人君子之名以爲**名者**公器 不虛生者非名乎孰使我死而不遽死者非名乎孰使 也作名實說 1111日 フィンス・ラー

諱完宸生五子長諱文魁次諱文卿次諱文鼎次諱文英 諱琇次諱璣琇生四子長諱宸字小溪次諱宰次諱室次 軟失傳惟檢宗系舊圖有諱昌者居首故一世<u>即列以</u> 先曾祖先祖两世幼孤又罹家難蕩析離居族人世次闕 氓庶亦有居是國即從其君之姓居是邑即從其大夫之 如以國以邑以氏以官為姓者皆秩然不可紊然而古之 姓者此其源流已難辨别秦漢以後氏族日淆流失敗壞 有諱謹者爲昌子故二世卽繼以謹謹生三子長諱璘次 不肖之徒依附門閥而宗法遂不可問矣吾宗世居太倉 人因生賜姓胙土命氏大宗小宗各系其祖之所自出 | 直索閣文集卷弟| --- - -

盛氏之在江以南者自宋太子少傳諱度諡文肅公後雖 次諱文榮文英生一子諱朝典字介福即先高祖也自先 即不敢妄為傅會嘉慶丙寅丁卯間余客虞山有宗人泰 當以無錫本支列于前而于本支外别立支派如常熟則 矣道光癸未泰符來書云無錫有同宗者議修族譜欲徧 至二世三世皆不可考即同邑之同姓者旣不詳其所出 訪宗支合爲一 符自言其先從太倉遷常熟各出宗圖考之亦不相續欽 高祖以上名氏可考者凡六世其旁支或傳至一 有廢與絶續而其先本出一 源以齒為序當在昆弟之列 131 普余謂各宗之謂不可妄合無錫修譜自 世或傳

倉支弟四世諱宰之後也然未審其所據何諮又常熟支 郡而太倉一支則係弟三房諱昱之後常熟一支則又太 新修之譜受而讀之知無錫之盛有二支一爲黙庵公諱 詳之不可知者畧之各收其族不誣其祖則諧亦未始不 學生顯係謬誤豈傳寫之舛與抑無徵而不信與余異日 實生三子長諱昂次諱暠次諱昱其後子孫繁行散處他 **景蒋居邑城一為壽康公諱殺居渨湖里黙庵之孫諱子** 將訪無錫虞山宗入詢其始末必有舊譜可據方能深信 以吳為遷處始祖宰卽小溪公之弟當生于明神宗時按 可合也因鈔吾家宗系圖以寄之丙戌春泰符寄示無錫 太倉自我 朝雍正間僑置鎮洋而宰之旁注云鎮洋縣 画の塩素羽女集を第一

我子孫其愼之作譜系辨 所訂定者自一世諱昌至先君子凡九世而于他支之 **台則闕疑可耳若吾家之譜則當恪守先君子毓英府** |引據者不得强為引據與其遂而難信||不若近而| 111

求有功但求無過無過則位可長保位保則位之早者日 讀史 家而保其妻子夫臣之事君功過不能相掩惟庸庸者不 自古權姦之誤國易見而庸臣之誤國難知權姦一 中心求治也于是公孫宏以對策擢第一 得跅弛之士然其重儒術徴賢良但藉以潤飾具文非實 矣石奮懸事文景父子卿相石建誤書馬字即懼譴死石 不疑為殺巧以周文為處讇而附于萬石君之後其戒深 證爲位證高則證求所以保其位者太史公作列傳以宜 天下廖而庸臣旣誤其國復竊恭謹廉潔之名以全其身 慶爲太僕御以策數馬此 然與素智文集卷第一 一家傳授心法也漢武雄才 山山 敗為

尚清靜蓋是時天子方有事邊塞中外縣然將以救其弊 義于汲照傳云照常觸宏等懷詐飾智以阿人主取容又 也今夫人臣忠于君利社稷者不必盡託于儒術惟患覺 萬石君之故智也本傳謂其外寬內深又謂其行義雖修 老岩論儒術似宏勝黯而宏之為儒特投上所好保全祿 然亦遇時蓋極鄙其爲人而出之以隱約之語復明著其 位較之石奮無文學而謙謹者其居心更爲可鄙汲黯崇 所狎侮藩侯所藐視其不足比數可知宏治春秋黯學黄 公脫粟布被汲퇐直斥其詐宏誅讓引咎帝ո原之此即 一憚黯難惑以非至說丞相宏如發蒙振落耳宏爲主上 第13名 1 1 1 1 1 1 2 2 2 2 1 1 1 1

輸以身圖安不恤國患釀成厲階蓋借禹廣以饑時相批 實為可慎唐權德奧兩漢辨亡論謂亡西京者張禹亡東 漢祚日衰太史公諷之于前班孟堅譭之于後世之服儒 後韋賢元成匡衡張禹孔光之徒咸以儒宗居宰相位 李德裕論張禹謂以年光子弱不對天變王氏之禍因馬 京者胡廣皆以假道儒術多方善柔徼 衣冠傳先王語持禄保位終身無所建白者其誤人家國 患失之鄙夫轉得借儒術以文其姦則自公孫宏始也 叩發乃漢之賊為國之妖嗚呼夫豈得為過論哉 企业を同と進行を行う 時大名致位公

讀魏志陳思王傳 辛鬱伊幽懷至于科頭資斧鎖徒跣詣闕下文帝猶嚴顏 陳 思 王 植 擅 辞 賦 之 才 秉 忠 貞 之 志 而 憂 義 畏 裁 豊 き 吉 ち 朝廷遇諸國法峻植及白馬王彪遷國欲同路東歸監國 色不與語又不使冠履乃伏地涕泣太后爲之不樂是時 非而身為魏氏子臣則又忠孝不能兩盡不得已而詩歌 云功名不可為忠義我所安蓋镎然于山河風景舉目皆 送應氏詩則云洛陽何寂寞宫室盡燒焚其作三良詩則 植心不忘漢其作情詩則云遊子獎黍離處者歌式微其 呼以植之才而天之厄之何其酷也漢祚將傾魏國初建 使者不聽植發憤告離作詩送之聲淚俱下肝腸斷絕嗚 /祖長が目がしくまだれるけ、一

勢去則親者亦輕取齊者田族而非吕宗分晉者趙魏而 遊覽中微寓其意後人乃謂公子不及世事但美遨遊豈 知植之心事乎迨黄初攺元天命已去無可挽回則思盡 之一者劉氏之宗支未絕也司馬受禪而魏祚遂無一 非姬姓干秋殷鑒亮哉斯言魏武篡漢而昭烈能割三分 疏求存問親戚又上疏陳審舉之義謂權在則疏者亦重 塵霧瞻日月于窅隱情怕悃款聞者側然徒封東阿復上 職藩輔上疏求自試恐墳土未乾身名頓滅願詞山海干 魏植之不用魏之不幸也夫以植之志與其才而于父子 篡漢植之不立漢之不幸也使丕能用植則晉必不敢篡 之延者曹氏之懿親盡廢也故使操能立植則植必不肯 南村月一つ本ンスラー

疾以死此吾所以讀魏志而欷歔嘆息也夫 兄弟間若無地可以容其身者年止四十有一而憂傷 · I with the second of the second of the second of

武侯初見先主勸以結好孫權侯天下有變將荆州之軍 樊區不解而操勢日蹙今乃損我大將奪我疆土此固先 惡伏誅威震華夏操議遷都以避其鋒向使吳不助操則 武侯不諫伐吳論 得其當惜乎史傳不詳遂疑伐吳一事武侯未嘗以身與 將以乍操而權與操合是權即漢賊也蜀自于禁受降履 伐吳遂有號亭之駁而武侯不諫何也漢賊不兩立結權 乎其間也而反以不諫用兵饑之則更謬矣或日先主 **留守成都不得身親行陳則其策或不果行或行之而未** 主所切齒而拊心者當是時武侯必有決勝千里之策而 『 温素周文美俗語一

諫之事如不可伐安得隱忍不言故曰伐吳之役先主之 意與師諫必不聽故不諫也夫先主自用武侯未當有愎 志亦武侯之志也或又曰然則先主没而遂通好于吳此 宗瑋報命貳而伐之服而舍之春秋交鄰國之善道也故 東南之憾專意于中原且權畏罪請和先主造太中大夫 騎而蜀日弱至於國有大喪自當休兵息民醬其精銳釋 據江陵而襲臨沮也其勢不可以不用兵不用兵則吳亖 日與吳修好武侯之志卽先主之志也武侯喾日法孝值 何義邪余日兵家之進退亦審乎時勢而已矣當孫權之 用兵而深悔此舉之失耳豈謂伐吳不可諫而必有俟乎 在必能止上東行即東行必不傾危此特因先主之不善 来北月これの

						孝直
						孝直之諫哉
			,			
	,					
				 }*		
<u>.</u>						

欲祚漢乎禪旣否德沗帝位而亮受遺詔名正言順揖讓 蜀先主託孤論 之風比隆虞夏亮必翦滅曹氏殄殱漢讎復使漢家子孫 經承漢緒者也倘其終於誾弱恐區區之蜀亦難自保毋 信大義於天下者亮之力也夫丕漢賊也亮漢臣也嗣子 如天復欲祚熯平禪雖不才而亮如伊尹之于太甲弗狎 其惡漢而有天下者曹丕也漢祚將滅先主以帝室之胄 于不順亦可令嗣王克終厥德為漢室無疆之休如天不 取孫盛譏其亂命余謂不然天下者高祖世祖之天下也 先主病篤屬丞相亮以嗣子可輔則輔如其不才則可自 **1** 

盛者何足以知之 之宗祀猶可以不墜也且先主逆知嗣子之不足有爲漢 統承先王修其禮物錫之元牡苴以白茅則漢家四百 無我故陳承祚評日此君臣之至公古今之盛軌也彼孫 祚之不可復延而以神器之重屬之于亮光明磊落無固 · 臨條閣文集卷第

法言不可行不可亂頭養望自謂宏達其勤慎如此又稱 黙走石勒遂定襄陽拜大將軍劍履上殿入朝不趨贊拜 侃少孤貧以縣吏起家累官至龍驤將軍武昌太守及平 盛子履日余讀晉書陶侃傳而深嘆作史者之誣也史稱 領樅陽令變妻有疾將迎醫數百里外時正寒雪諸綱紀 日運百變誠人逸遊荒醉又語人日老莊浮華非先王之 陶侃論 不名其動業如此又稱侃恭謹勒職愛好人倫在州無事 侃少時廬江太守張夔聽鄱陽孝·亷沱逵之請召爲督鄅 土敦遷征西大將軍荆州刺史平蘇峻封長沙郡公斬郭 侃獨日資于事父以事君小君猶母也安有父母 一直に対けて自己におりて

舊德如此又稱佩拜大將軍上表固讓日臣非貪榮于疇 軍范逵子珧爲江東太守凡微時所荷一發咸報其不忘 假之用非獨臣身而已疾篤又上表請速選良才奉宣王 **昝而虛讓于今日也臣常欲陛下除諸浮長之事遣諸虛** 群自抑而止此何語邪夫誣人以叛逆而出自作史者之 侃有將相才亦兼有德行者矣乃又載其夢生八翼飛而 乙疾而不盡心遂請行人服其義旣貴命張夔子隱爲參 1其謬孰甚吾當推求其故在乎蘇峻之亂侃擁兵不進 雖聖資天縱方事之殷當賴墨備其倦倦忠愛又如此 天折其左翼及都督八州潛有窥窬乙志每思折翼之 南將軍温崎揮涕登壇奉為盟主屢以峻殺侃子激怒 

勸顧命大臣庾亮往拜之而侃憾頓釋曰庾元規乃拜陶 者然侃特以不與顧命疑朝廷輕已嶠亦知侃無他意故 義也佩之所以被誣者亦其所以自取也夫 出師遷延功業雖就致以窺窬誣之夫討賊者春秋之上 侃兵始出侃之勤王非侃意也而侃之心若有不可問 一行邪晉世將相好以位堊相誇耀你挾不受顧命之憾 人語を作引と哲学を与一 E

閉室酣飲時人謂之八達耳其賢否不及深辨也然山公卿之萬無戶方事」 悟二人尤相善劉伶遇之欣然神解攜手入林王戎時詣 **鍾**自隨阮籍與成大盆盛酒園坐大酌嵇康恬靜向秀清 賢乎七賢七賢者以酒作合者也山濤八斗方醉劉伶荷 **輔之謝鯢阮放畢卓羊曼桓彛阮爭光逸之徒散髮裸袒** 籍飲籍戲之日俗物來敗人意乃知七賢之稱亦如胡母 竹林何賢賢其善談元理也晉人談元者不止七賢也何 之高士也彼王戎者一**貪庸猥鄙之人**耳以**貪庸猥鄙之** 而謬附于七賢世之為王戎者可以恥矣然戎雖貪庸 、証を引て長めらっ 1111

哉 戎之所以爲賢也世之爲王戎者惟知與王戎之徒相飲 酒遇嵇康阮籍諸人則揶揄非笑之雖有如澠之酒不能 土戎則不少觀于世俗中之王戎則竹林中之 猶知與嵇康阮籍阮咸山濤向秀劉伶相往還 格卽嵇阮亦斷不肯與共飲夫嵇阮不多得而 一戎賢

勢不兩立使元施諸君子能稍留餘地則小人亦不甚嫉 秩光之入相也或言熙豐舊臣多懷巧小人宜少優容以 宗立蔡京當國目光等為簽纂書其名于碑夫君子小人 凡安石病民之政悉罷之羣小側目莫敢構誣宣仁太后 與光同心協力以常平舊式改青苗以嘉沛差役叅募役 防禍患光不聽公著在神宗朝以論青苗法貶秩及爲相 朱神宗用王安石創立新法中外騷然神宗崩哲宗立宣 惡之然自古有依附君子之小人斷無畏避小人之君子 **廟哲宗親政舊姦窺伺蘪芽其間元祐諸臣相繼放逐徽** 、大后聽政驛召司馬光吕公著爲相一時賢士皆進顯 《塩赤阁女集的弟一 

身於朝廷之上也然則爲政之道亦在用人而巳矣太后 問朝廷清明華夏綏定古來母后當國非國家美事而官 欽之禍哲宗始之也 終無容घ君子之小人詩不云乎人之云亡邦國殄瘁徼 用司馬光吕公著而章惇蔡卞輩無所施其儉巧九年之 元祐之局一變而爲紹聖於是乎有畏避小人之君子而 日不安國本一日不固而光與公著等不忍一日安其 . 獨有女中堯舜之稱非以其能進君子退小人哉若去 

論不合彭原之戰端不救吳玠玠以兵敗怨端端劾之玠 端在渭州沒欲仗其威聲擢爲大將而端素剛愎與沒議 宋張魏公凌以吳玠故殺曲端又不能容李綱趙鼎後 饑之余謂曲端之殺浚不任咎卽其與鼎異議要其所議 張沒論 軍馬端不受節制庶深銜之乃語沒曰曲端不可用且當 **遂譖端于焌初朝廷命王庶以龍圖閣待制統陝西六路** 為公非為私也惟因宋齊愈而劾李綱則沒不得辭其咎 奪其兵朝廷召之擁兵不行諸將士籍籍謂端且反浚 才而桀驁無人臣禮旣違王庶節制又欲卽軍中斬庶頭 詩指斤乗輿沒下端獄端死獄中聞者寃之端雖有將 く就長引し長夫百一 1

能數其罪而斬之此浚之過也乃以作詩誹謗謂罪不當 誅可乎建炎初沒薦趙鼎爲司勲即界遷侍御史沒往江 罷斥恐人心不安浚滋不悅鼎出知紹與府帝罷光世以 鼎言得河南不能保金人之不內侵光世累世爲將無故 降偽齊沒復入相帝欲遠寫浚鼎固爭之乃以散官分司 永州議者謂鼎無爭功之念沒有忌賢之心不知鼎之為 土德為都統制酈瓊副之命受呂祉節制瓊與德執祉以 了因利乗便作與士氣維繫人心鼎恐宿將驟廢戰十 康鼎請回蹕臨安沒乞乗勝攻河南且罷劉光世軍政 |視師遣其屬吕祉入奏事所言誇大鼎毎抑之浚乞幸 以固本爲先本固而後敵可圖雠可復浚之爲國則在

哉李綱以三疏進高宗一日募兵二曰買馬三日募民出 之罪詔罷綱提舉洞霄宫夫邦昌國賊也齊愈擁戴國賊 愈者竊其草以示綱綱乃奏逮齊愈正其助逆之罪戮之 受禍自此始矣其意若有不滿于綱者初金人議立異姓 **浚去位時帝欲用秦橹浚止之乃用鼎曷當有忌賢之心** 體浚以光世庸懦不足有為二人所見不同其忠一 是齊愈論綱三事之失不報齊愈將再上疏其鄉人嫌齊 財以助軍費諫議大夫宋齊愈論其不可浚謂齊愈日公 東市時沒為御史劾綱以私意殺侍從且論其買馬招軍 更部尚書王時雍問于吳开莫僑二人微言敵意在張邦 **自適齊愈至時雍問之齊愈取片紙書張邦昌議乃決至** 一直を行うしまただらり一 Ę 也但

方將枕戈書膽選士練兵以進取中原而成大業而忽阻 者也以丞相殺侍從不可以丞相誅國賊奚不可且其時 乃論者謂浚多過失宋史本傳特因其爲南軒之父而過 逮卽鼎亦有不及防者吾觀浚之忠悃至死不變臨沒誡 天下而界之于强敵也至李綱一去兩河相繼陷没此則 招軍買馬之議是不過愛惜小費苟且偷安束手待斃委 知其闇蓋僧機穽深險外和中異知人之明不獨沒有不 不能不為沒咎耳若夫秦檜之姦沒不能察及與共事力 一子以國恥未雪身死不當葬先人墓下沒亦人傑矣哉 丁褒美此殆所謂好議論不樂成人之美者與 インボルドドリントスクインター 117